

3

T 3150/346183

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1968

解州全志卷之八

安邑縣

人物

夏

關龍逢夏大夫桀爲不道有諫者輒殺之龍逢進諫曰
君用財若無窮殺人若不勝民惟恐君後亡盍少悛
桀曰吾有天下猶天有日日亡吾乃亡耳不聽龍逢
立而不去桀殺之今安邑東北二里有塚明呂柟有
碑記祀鄉賢

漢

裴遵雲中人徙居安邑光武時爲燉煌太守從帝平蜀

哈佛大學漢和
圖書館珍藏印

角少全元
卷之八
有功至曾孫遼東將軍燭始遷聞喜傳二十七世生
晉公度祀鄉賢

閔貢字仲叔太原人世稱節士雖周黨之潔清自以爲
弗及也黨見其含蔬飲水遺以生蒜受而不食建武
中應司徒侯霸之辟旣至霸不及政事徒勞苦而已
仲叔恨曰始蒙嘉命且喜且懼今見明公喜懼皆去
以仲叔爲不足問耶不應辟也辟而不問是失人也
遂辭出投劾而去復以博士徵不至居安邑老病家
貧不能得肉日買猪肝一片屠者或不肯與安邑令
聞勅吏常給焉仲叔怪而問之知乃歎曰閔仲叔豈

以口累安邑耶遂去

魏

衛覬魏初拜侍中與王粲並典制度文帝踐祚封陽谷
亭侯明帝時進閔鄉侯以文章顯好古文鳥篆隸草
受詔典著作撰述至數千篇嘗爲魏官儀及請置律
博士轉相教授事遂施行

晉

衛瓘之子性至孝襲父爵閔鄉侯拜侍中鄧艾鍾會
之入蜀也瓘持節監軍會懷異志欲令艾殺瓘因加
艾罪故先勅瓘收艾遂發兵反瓘作檄宣告諸將攻

會殺之又襲斬艾於綿竹三造亭事平朝議封瓘固
辭不受後都督徐州諸軍事增封菑陽侯泰始初進
爵爲公加征東大將軍及都督幽州時幽東有務桓
西有力微並爲邊害瓘表立平州兼督之遂離間二
虜於是務桓降而力微以憂死太康初遷司空惠帝
爲太子質鈍不能親政事瓘每欲陳啟廢立而未敢
發後會晏凌雲臺瓘託醉因跪帝牀前曰此座可惜
賈后由是怨瓘楊駿素與瓘不平及執政累奏免瓘
位詔不許及駿誅以瓘錄尙書事加綠綬綬劍履上
殿入朝不趨給騎司馬瓘又贊奏遣諸王還藩楚王

瑋由是憾焉賈后又惡其方直遂謗瓘欲爲伊霍之
事於是作手詔令楚王瑋等收瓘及其子恒嶽裔及
孫九人同被害恒二子璩玠在醫家得免

衛恒瓘子歷官黃門侍郎工草隸爲四體書勢與父同
難贈長水校尉諡蘭陵正世子

衛璩恒子襲瓘爵後改封江夏郡公懷帝初爲散騎侍
郎

衛玠字叔寶恒子丰神秀異總角時乘羊車入市見者
以爲玉人好談元理王澄每聞其言歎息絕倒仕晉
爲太子洗馬後移家建業人士聞其名觀者如堵嘗

言人有不及可以情恕非意相干可以理遣故終身
不見喜怒之色祀鄉賢

衛展字道舒歷尚書郎南陽太守江州刺史詔有考子
證父或鞭父母問子所在展以爲恐傷正教並奏除
之元帝初爲廷尉上書宜復肉刑卒贈光祿大夫

南北朝

李紹伯邑人敦煌宋稚嘗師事之受諸經傳

見通志

閻元明有孝行太和五年除北隨郡太守以違親養泣
淚喪明悲號上訴請歸養一見其母目復明有司狀
聞詔表孝行復其家母亡服闋心喪不輟每忌日悲

動傍隣昆弟亦感而雍和百口同居祀鄉賢

白建齊武成帝時初入大丞相府任騎兵曹典文帳明
解書計爲同局所推河清三年突厥入境代忻二牧
悉是細馬合數萬匹在五臺山北栢谷中避賊賊退
勅建送馬定州付人養飼恐馬瘦違勅以便宜行事
戍馬無損建有功焉武平末歷位尚書特進侍中中
書令封高昌郡公贈司空

紐因性至孝居父母喪廬於墓側負土成墳廬前生麻
一株高丈許環圍合拱枝葉鬱茂嚴冬不改有鳥棲
其上因舉聲哭鳥卽悲鳴相應時人異之周武帝表

其間擢授甘棠令祀鄉賢

隋

紐士雄因子質直孝友父歿亦廬墓側負土成墳庭前
有一槐甚茂及士雄居喪樹遂枯服闋還宅槐復榮
文帝聞之歎其父子至孝下詔褒美號所居爲累德
里祀鄉賢

郭絢家素寒初爲尙書令史後以軍功拜儀同歷數州
司馬長史皆以能名大業初刑部尙書宇文弼巡省
河北引爲副煬帝有事於遼東以涿郡爲衝要拜爲
涿郡贊務吏民悅服與柳儉等同以清名受賜帛數

載遷爲通守山東盜起絢逐捕多剋獲涿郡獨全後
擊竇建德於河間戰死吏民哭之數月不輟祀鄉賢

唐

張志寬居父喪哀毀閭里稱之王君廓兵略地不犯其
廬賴全者百許姓後爲里正于縣一日稱母疾急求
歸令問狀對曰母有疾志寬輒病是以知之令謂其
妄繫於獄馳驗如其言乃慰遣之母終負土成墳廬
於墓側唐高祖遣使者就弔拜員外郎散騎常侍表
其門閭祀鄉賢

曲環邑人客居隴右少喜兵法勇敢善騎射天寶大歷

中累立戰功德宗初威名益振賜名馬遷開府儀同
三司封晉昌郡王邠隴兵馬使李希烈陷汴州環斬
賊三萬五千級進檢校工部尚書兼陳州刺史希烈
平改陳許節度賜封三百戶環勤身節用寬賦歛簡
條教不三歲歸者襁至訓農治兵穀食豐衍轉檢校
尚書左僕射卒贈司空

曹文行孫懷應相里志降楊王操邵元同張衡曹存勳
李文褒董文海李文秀張僊兒張公憲皆事親居喪
著至行任君義衛開皆數世同居天子旌表門閭賜
粟帛州縣存問復賦稅有授以官職者

見唐書

金

劉祖謙字光甫承安五年進士歷州縣有政迹拜監察
御史以鯁直稱正大初爲右司都事除武勝軍節度
副使召爲翰林修撰家多藏書金石遺文略備父東
軒工畫故祖謙以鑿裁自名信筆作簡牘尤可觀一
時名士如雷淵李獻能王渥皆遊其門得人一詩可
傳必殷勤稱道惟恐不聞人以此稱之子敏仲

劉從謙以明經擢進士太和元年爲萬泉主簿寬猛相
濟條教可觀嘗罄俸資修廟學儒業復興祀萬泉名
宦

元

王邇平陽人隱居安邑博通經史尤精於易春秋上憲累薦不就述周四王年譜傳於世其他文集經兵燹無存年七十有八而終葬條陰之阜

明

劉復禮洪武間兄復初里選中人才時兄未有嗣復禮願代往授沂水邑丞令干紀丞坐失舉罪曰爲臣若此何以自白且如後代何遂不食卒七世孫澤商於淮有負貲累千金者貧無以償遂焚券

杜佑以戶部尙書范敏之薦爲四輔官佑主春官兼攝秋冬禮遇與杜敷同嘗三主本省布政司鄉試稱得人

李祐洪武十三年以儒士授四輔官兼太子賓客侍食殿廷賜衣三襲後以老致仕

張斌永樂間北征募三河壯士其兄當遣斌曰兄老矣且無嗣此行能生還乎吾幸有子又膂力壯乃毅然代往窮絕塞而還論扈駕功授錦衣衛百戶辭歸養親而兄亦有子矣後斌子佑孫璉璉輩累世貴顯

李輅由江寧邑庠中庚子應天舉人辛丑成進士官至山東布政司右布政學士曾鶴齡嘗稱其爲政清而

溫惠而直廉而不激寬而不縱祀鄉賢

李素宣德庚戌進士以戶科給事中累官通政司右通政剛直有爲敷奏詳雅宦官馬順恃寵而驕素當御前力斥其姦英廟異之卒朝廷遣官諭祭祀鄉賢

張琦正統舉人高陵知縣廉正著聞恒以孝弟教民及寢疾且革縣丞憐其貧欲以庫銀餘耗爲贈琦却之曰吾家蓄有書置有田子孫自可耕讀言訖而卒子岫成進士累官都憲詳運志

張璉運庠生天順甲申進士爲御史風采凜然出守大名府調黎平有政績詳運志

李景泰丙子舉人受學于薛瑄蘭州周蕙嘗從景學學益邃官清水教諭學使者歎其賢薦景代己命未下卒

張岫運庠生成化間進士歷官遼東巡撫清操勁節爲時所稱詳運志

張璉運庠生成化己丑進士歷官太僕寺少卿樹清望多建白子棻弘治壬子經魁歷官陝西僉事夔以舉人官至辰州府知府俱詳運志

曹光華陰令陝西通志云明爽平易愛民如子有德政碑詳運志

張芮運庠生成化己丑進士官至南京太常卿敦尚氣節不媚權閹詳運志

郭崧成化十三年運庠舉人令韓城陞同知詳運志
郝芹弘治間舉人山東館陶令廉而有爲擢順天府推官剛直不屈辭官歸里

劉鑑烈婦李氏孫翰毅得官弘治四年母病篤鑑凜雪其體籲天請禱云吾母疾甚吾割肝救療死無憾乃割肝一葉令妻作羹進母母食病頓愈鑑亦無恙母壽又逾二紀七十二而卒士紳歌頌成卷七世孫劉光祖貧無卓錫此卷猶存觀者感歎

謝譽由運庠中弘治戊午舉人歷官泰安知州有清節
祀名宦詳運志

祁鶴運庠生正德甲戌進士官至山東按察司副使居
官清慎詳運志

相世芳運庠生正德間進士官至刑部郎中忠義性成
抗疏被廷杖詳運志

謝誥運庠生正德丁丑進士官至戶部員外性狷介裕
幹畧詳運志

胡諧正德庚午舉人官至雲南叅議一塵不淄剛毅有
守同知温州時柄相子慕友妻艷而沉其友無敢受

解州全志 卷之八
理諧卽寘之法風采大振致仕家居遇盜於塗從者
奔盜窺之曰胡公也爲御至里門叩謝而去祀鄉賢
慶都平涼温州各祀名宦

王命由運庠中嘉靖壬午舉人爲郿令有惠政官至苑
馬寺丞詳運志

胡志夔運庠生嘉靖間進士歷官都察院右僉都御史
樹清節有邊功子承裕孫舜封俱詳運志

閻雲望嘉靖庚戌進士兵科給事中嘉靖中倭患孔棘
監軍趙文華藉巖嵩勢誣逮統兵司馬雲望抗疏乞
收成命不則隳成功滋後患忤旨廷杖謫歸後追贈

光祿寺少卿

王得春嘉靖丙辰進士官至監察御史請復王陽明伯
爵拔李寧遠於偏裨寢織造監以靖地方增制科數
以培浙士疏凡八事悉係國體曹直予先生爲誌墓
碑祀鄉賢

劉弼寬由運庠中嘉靖壬子舉人官臨洮府同知民懷
其德詳運志

劉得寬運庠生進士官至河南僉事磊落豪爽誓不苟
取詳運志

馬紹英運庠生嘉靖乙卯舉人南京戶部主事督理揚

州關稅以仁廉著詳運志

王宇運庠生嘉靖間進士陝西按察司副使以廉平稱
詳運志

楊一魁運庠生嘉靖乙丑進士歷官工部尙書幹局恢
宏風骨挺勁詳運志

牛惇明經官至河南開封通判持法屹如不少撓儕類
側目弗計也巡撫呂公坤匾其門曰直道守官

喬起鳳翔鳳弟由運庠嘉靖間舉人官至太僕寺正卿
廉謹自守詳運志

劉正寬以舉人知延川陝西通志云愛士惜民政從簡
易姦弊悉除吏民畏服

解學禮由運庠登第歷官叅政才優績懋詳運志

馬邦珍運庠隆慶庚午舉人官鞏昌司馬政尙簡靜詳
運志

曹希舜天性醇篤博極羣書慕陶靖節邵康節爲人顏
其堂曰仰節當道造廬咨訪絕不爲干瀆事病且革
子都憲君猶爲諸生侍側公指示陰陽生死之理神
明不衰

張雲翹萬歷甲戌進士官吏部郎中詳運志

劉敏寬運庠生萬歷丁丑進士官至兵部尙書負長才

多政績詳運志

李圭由運庠中萬歷己卯舉人官陝西鞏昌府同知令華亭貳正定歷著循聲詳運志

南邦化進士官至刑部主事初任盤屋沈邱有生祠德政碑陝西通志云政治廉明心存仁恕始立一條鞭法大便里甲

吳養洵舉人任昌平知州耿介不阿權貴當魏璫勢盛檄下建生祠索貲助工屢抗卒罷之官至西安同知楊學詩壬午舉人官至保定府通判素稱篤實君子詳運志

馬斯才己酉舉人河南尉氏知縣循廉著績至今口碑不磨祀鄉賢

宋時際運庠舉人官至刑部四川司郎中詳運志

王國楨由運庠生萬歷間進士歷官陝西布政司叅政有風節詳運志

曹于汴運庠生萬歷壬辰進士理學名儒歷官都憲政績卓越詳運志

王廷俊萬歷辛卯舉人任新蔡令救荒甚力擢歸德同知詳運志

景明壬辰進士歷官太常寺少卿提督四譯館在銓部

時清正不染藻鑑精明人服其公去任時具疏薦劉崇文代已職協王鳳洲修綱鑑祀鄉賢

景昉進士河南左布政使孝友克敦忠良自勵教子登鄉薦者三人祀鄉賢

相邦教舉人歷任山東濮州知州筮仕武功官況蕭然清賦緩征嚴正不避權貴入名宦祀鄉賢

姚檣萬歷甲午舉人孝事老母約已奉兄絕意仕進專心理學躬行實踐所坐處兩足如刻穴日與同志研究性命之理茅屋土几弊衣茹蔬蕭然物外晉撫吳仁度特疏徵辟亦不就疏載舊志

姚誠立萬歷乙未進士洋縣知縣陝西通志云慈祥廉直興學校敦崇禮教士習民風翕然丕變官至按察使

張柟舉人官至雲南按察司副使勤慎有政聲甫以太守擢憲副慕二疏知止之義輒告歸

楊一桂運庠生萬歷間進士歷官河南道御史有幹局具清操詳運志

裴衷貢生司訓贊皇子君賜進士官給諫詳運志

王永興得春孫舉人吏部司務懷宗卽位疏清官府之姦列魏忠賢十大罪人稱有祖風

喬國楨由運庠中萬歷丙午亞元爲江南六合令有廉潔名詳運志

王自修舉人邱縣令循良著績祀名宦

劉崇文由運庠中隆慶庚午舉人越三十年始成進士孝友克敦素風淡如詳運志

康四海運庠生萬歷癸丑進士歷官江西按察使服官涖民以慈惠爲本詳運志

喬士鶚萬歷戊子舉人鉛山縣知縣詳運志

謝傳顯萬歷乙卯舉人河南南陽知府剛直方嚴任曲陽時開渠灌田幾五百頃陞大名同知適流寇犯界

督衆力戰民獲安堵立祠祀焉署篆長垣辨獲假巡方齊文舉聲名嶽嶽豫省王家正特疏保陞苑守詰兵助餉著有成績及歸里閉門著書訓課子孫子象申象超由運庠同榜鄉薦孫樞齡由運庠成進士有傳詳運志

賀道昶戊午舉人陝西神木道按察司僉事死闖難詳運志

楊炳萬歷己未進士官至兵科給事中筮仕滋陽平妖有功行取兵垣有平妖錄

李日儼由運庠天啟壬戌進士官至給事中有清節詳

運志

景永祚由運庠中天啟甲子舉人以德行著不受偽職
詳運志

馬棐貢生蘭州州判詳運志

劉廉民庠生遊曹真予先生之門力行古道母喪廬墓
哀感不輟入鄉賢祠

李正佐由運庠中天啟丁卯舉人崇正間爲郊令寇至
不屈同母喬氏俱被害郊人葬其母子於南郊立祠
建碑詔贈僉事諡莊愍詳運志

王國楠天啟丁卯舉人官至監察御史四歲亡父事孀

母至孝侍膳問寢終身如一日兩任殘邑創立甄城
欽取臺中出巡江南沿海肅清祀鄉賢

李恪圭之子崇正甲戌進士山東兗西道按察司僉事
捐軀殉難精詩學字韻

景星由運庠中崇正丙子舉人闖逆逼以偽職大罵不
食而死詳運志

靳斗運庠貢生官山東陽信教諭崇正癸未罵賊不屈
死一門忠烈詳運志

董印庠生爲人寬厚喜愠不形于色樂施予崇正庚辰
歲荒蠲金貸粟以千百計全活甚衆汾州朱姓商關

角少全三
中
以闖逆變投寄千金越三年來索還其金封識宛
然舉鄉飲祀鄉賢

劉有占薊遼副總兵慷慨仗義獨建原王莊橋修運北
城樓並角樓庚辰賑荒四百金祀鄉賢

王肇益庠生鳳翔司理王家禧之子逆闖遣黨搜捕宦
家極刑索餉肇益隨父詣比所口稱家世清白願代
父受比賊怒拘囚三日遂死賊憐其死而恕其父家
禧獲全

馬進由知印爲江都主簿時高郵寶應湖水泛濫運道
阻阨進議改建石工當事薦陞光祿寺監事先是河
東荒人相食鄉人就食於揚者百餘館食之無難色
恃以存活

尉維持庠生明季流寇作亂衆皆避維持獨服公服坐
里門諭以君父大義觸賊怒罵賊而死

解州全志卷之九

安邑縣

人物

國朝

王道成崇正癸未進士浙江金衢道處家孝友居官清

正力矯沽名

王冕運庠貢生汾州府訓導順治己丑殉難詳運志

張譽由邑庠改運庠家貧力學至性過人詳運志

呂崇烈崇正癸未進士官至禮部左侍郎德性沉靜學

有本源接曹於汴之傳倡明理學鄉會典試雅稱得

人講學宏運書院至老不輟

解州全志 卷之九
丁期昌前明癸未進士初任揚州推官調黃州舉廉官
第一詳運志

張鵬翥運庠貢生由教諭陞湖廣新化知縣歷任邵陽
臨武操守廉潔詳運志

王度舉人陝西安塞知縣讀書力行有古人風居官清
苦歸里後訓士課子多著述歿無以殮邑侯趙公憐
而賻焉

馬光裕順治丁亥進士官至禮部郎中持躬接物和雅
溫恭官銓曹考核公明陳明終養事母孝潛心濂洛
諸書與理學孫徵君魏環極二先生往復質辨一以

躬行實踐為主所著有止齋集子祚錫載錫禹錫俱
敦行力學

馬光啟運庠生順治壬辰進士累官戶部員外郎歷有
政聲詳運志

謝檜齡康熙戊午舉人授內閣中書改內邱知縣有政
績行取主事詳運志

喬宏德康熙壬戌進士令安東詳運志

劉士琨貢生初任寧鄉訓導擢四川內江縣知縣陞直
隸灤州知州以疾致仕詳運志

景四維康熙乙未進士初任新喻縣後改涇縣商民德

之詳運志

相斗南前明舉人電白知縣慷慨有意氣明末流寇起
出家貲給城守城賴以完任電白時請免越境夫役
歸里能爲地方陳利弊祀名宦鄉賢

李忱字恂九順治戊子拔貢知西安縣吏事明敏舉卓
異遷鞏昌府同知擢金華守節晏飲省刑罰閩逆之
亂嚴守孤城四十五日夜卒獲保全以勞卒

劉廸穀順治戊戌進士初任太和縣知縣補岷縣天性
剛直生平無脂韋態兩司民牧俱以清著

周訓成順治己亥進士選庶吉士辛丑同考後除江西

南瑞道改廣西右江道又補上江督糧道俱有惠聲
致政歸著見山園草

祁斌康熙癸卯舉人四川新都縣知縣八年政成陞延
慶知州里民立碑誌感詳運志

丁廷樾由運學登第天性孝友歷知鳳陽徽州二府一
介不取詳運志

景應熊康熙乙丑進士浙江東陽縣令廉靜寡欲撫軍
張公鵬翮器重之邑旱荒民多逋賦憲檄催督甚急
應熊終不忍敲朴陽民建祠樹碑以志不忘告歸後
四壁蕭然以載籍自娛絕迹公庭邑侯曾公旭嘗曰

先生今之法真也名可得而聞人不可得而見其歎服如此所著有憶椿錄讀禮撮要讀儒宗旨諸書

劉樞廕生授雲南建水知州清正愛民民爲立碑建祠解組歸好學不倦詩文皆有法度

劉桓廕生歷任湖廣督糧道叅政威惠並用著有治越全書攀轅錄建牙虎伏集蓬萊集

王尹方字鶴汀斌子運庠生壬子癸丑聯雋進士歷官內閣學士禮部侍郎清度雅望典試得人詳運志

康行儻字鏗霜甲戌進士初仕韓城後擢工部主事晚年詩酒自娛多所撰著詳運志

何遠康熙戊辰進士爲獲嘉令擢禮部主政陞員外郎詳運志

劉喬齡乙丑進士初令江陰詢民疾苦方施行尋以憂去服闋補武進益加矜慎徵糧立分限法革除羨耗漕務悉罷陋規出入平準歲省耗米萬餘石編審以籍爲定平徭均役惟從民便公餘校藝手定甲乙有蘭陵課士錄膾炙人口祀鄉賢

孫超康熙庚午舉人令興化時值旱荒超設法救饑民賴以活庚子分校南闈所拔多知名士年九十一卒張弼例貢仕至河南淮徐道饒才能詳運志

解州全志 卷之九
馬謙益以選拔登賢書令青浦綽有政聲卒於官所著有讀書錄孝子傳

劉標以父永灝廕歷松江安慶知府累陞雲南布政使除金銀等礦積弊禁豪猾鹽茶營窟內外數十年勤慎稱職

彭人瑛善屬文尤工詩歌康熙辛丑進士初牧易州輕徭薄稅以治績擢保定守護臬篆雪冤理滯積案一清遷清河道副使陞湖南按察使持法寬平破觚斲雕吏民安之殿撰汪應銓爲之傳

宋緝聲好學數奇不獲一衿訓課子孫致通顯封鴻臚少卿爲人篤實忠厚貴而不驕慷慨樂施親族待舉火者數家創立試院旣號並興賢會給士子資斧長子在詩長孫鑿成進士次子在書暨諸孫鑿鈞鉅悉登賢書

葛鳳翔性孝友甘貧嗜學耿介廉方工詩文書法贈禮部員外郎祀鄉賢

葛健字健菴鄉賢鳳翔長子以孝聞友於弟儁至老彌篤愛姪德潤如已出教督成名弟儁字樸園亦以孝敬聞健鍵戶讀書儁經營於外所獲悉歸兄不私一錢侖儻有大畧樂施不倦晚年肩修縣學已八袞餘

矣猶躬親檢點費省工固當事重之健子德溥武定
 同知僑子德潤進士歷官侍御兩任學政健僑並封
 如德潤官

人物

明

馬驥貢生直隸安肅教諭性敦篤敷教勤敏及門多顯
 宦

宋怡舉人任陝西寶鷄訓導博學明道遠近師之

張普圓永樂中以孝被旌

景繡正統間輸穀一千石賑濟全敬輸穀五百石俱蒙

欽獎又李福榮亦輸穀賑饑

王徵天順壬午舉人山東汶上令廉方為民所信服

馬鵬弘治戊午舉人霍邱知縣文章華而有理著琴譜

曹應選庠生家酷貧兄應聘以貢入都病歿應選間關
千里備極艱辛負兄骨歸呂宗伯匾其門曰遠負隰
哀張世則贈詩有遊魂時繞還家夢白骨猶懷鞠子
情之句

周官正德丙子舉人令鎮安成童時父爲擇婚將娶女
以疾改容寢陋父欲別娶公曰命也竟娶之

呂完正德間父歿廬墓常有數狼伴之縣令疑其事黎
明詣墳驗視果如人言

喬安侍父伯泰疾躬親湯藥衣不解帶者百餘日父卒
哀毀廬墓斷葷酒負土成墳父嗜桃李於塋傍種百

餘株甫三尺而花實母卒廬墓如前塋中穀生雙穗

桃李秋榮

王鳳母卒廬墓有白狼伏於塋鳳不懼一日狼越墻去
陷隙中鳳以手扶出狼再四迴顧自後時來伏塋歷
三年

李瑛廬父墓三年絕甘旨擇隙種瓜備時祭孟冬瓜猶
生人以爲孝行所感

張光射事親孝晨興必請所食父遊飲處常預授錢酒
肆少遠則攜家膳從之昆弟有無與共妯娌化焉事
長睦族並有仁讓聲

解州全志 卷之九
景嘉會學優行高事親孝以弟嘉柱乏嗣病故日夕悲
慟竟卒

景于崗庠生事孀母克盡子職建坊旌表

馬煒王衷粹皆庠生善事繼母鄉評推重衷粹又義助
修城

景蕭性至孝父疾篤日夜悲號潛剖腹割肝作羹進父
遂愈

姚良卿貢生醇樸渾含橫逆不校任寧津令其弟良能
貢生亦以長者重於鄉

楊瑄少孤貧拾金還主孝事孀母嘉靖戊子舉人官齊
河教諭遷新安令冰蘖自持卒於官囊橐蕭然士民
念之

王承家孝事孀母撫養孤甥恩義並至祀鄉賢

景東生舉人嚴氣正性持身無過教子二人孫五人皆
登科祀鄉賢

吳從周嘉靖甲子舉人陝西延安府同知居鄉服官俱
以長厚稱子養淳養溫養源養洵養洽相繼登科人
謂媿美燕山

馬邦瑞萬歷癸酉舉人已丑進士行人司行人坦懷無
城府與人語肝膽盡披有過不自隱

劉允寬庠生父歿遺腹三月生侍孀母四十年竭力承歡母嗜瓜豆身任桔槔母指拘孿晝夜哀禱得愈第五子廉民亦庠生遊曹于汴門母喪廬墓著六言訓正須辨無無齋行世

劉近寬有孝行遇生忌斷酒肉悲哀不輟凡十五年後由吏員任京倉大使

吳養溫父從周任延安同知時溫同四弟養洵赴任拾遺金三百卽還其人有還金碑記後溫由舉人亦爲延安同知

曲應鵬萬歷間貢任汾州訓導敦篤務朴不悅浮華文

品益著

王承蛟性孝友萬歷間弟承印毆斃人命法當抵蛟泣謂父曰印無嗣兒現有二子安忍以兩門獨留一脉乎遂自刎以抵償後印果得不絕

張君賜貢生分訓廣寧陞廣州學正署鷄澤篆一塵不染引年歸里歿之日環堵蕭然

楊吉士性耿直時號楊公平

劉春力農課子周急解紛鄉人高其義氣

吳琨庠生性至孝父母歿廬墓三年

郭國泰山海關都司辭官養親撫姪如子庚辰大禋出

粟數百石以賑族黨

郝本彰庠生事繼母撫異母弟孝友備至家貧樂道少年卽棄舉業博覽羣書勸人爲善鹽政武陵楊公贈句云陋巷一生顏氏樂清風千載伯夷貧鹽政張公匾其門曰石渠鴻寶其後浩然長往不知所之

馬之偉庠生孝友真誠人稱爲古君子教子光裕光啟皆成進士祀鄉賢

謝名揚例貢素行孝友坦易和厚祀鄉賢

姚蕭例貢以父母年高終身不仕鹽政喻公旌曰孝子
第

丁應美例貢雅志文學克敦孝友義方垂訓慷慨樂施長子期昌成進士曾孫廷樾官翰林廷植以武舉任臺灣副將人以爲厚德之報

李鼎新武舉好義樂施侍養孀親不赴會闈

呂萬里贈侍讀學士性孝友囊無私蓄與弟妹共之

曹良良曹中丞子汴曰吾族老僕曹寧其子良良垂髫時以搖箕爲生每得毫釐則爲父母具美味稍長傭工其父母不乏酒肉爲作良良歌曰曹寧夫婦病且老有子良良行孝道苦肋竭力得毫釐奉養雙親常温飽我雖戎冠爲朝臣睹此美行感懷抱世上豈乏

峩冠人上天下地能論討妻羅子綺愁不足不爲父
母添布襖嗟爾良良是吾師願爾多壽多財寶

董克賢天啟甲子舉人學堪持世孝可傳家

楊柱以舉人授固安教諭性敏學博德重鄉黨

王世相例貢延川知縣好讀書嫺詩詞醫卜諸藝所交
皆當世名人

劉光溥明末寇變有翼城高商寄以五百金閱二年還
之封識宛然

王第贈郎中舊志稱其事親有道教子有方

同知曲璣同知張苴主事張淳甫知縣王一中同知張

良知知縣李茂春知縣竇師偁庠生張啟蒙行人任
正斗庠生宋登雲知縣楊舒聲縣丞郭進祿吏目張
綱甫教諭喬溥恩教諭周學思歲貢邵三畏御史張
集知縣丁應觀主事劉席民教諭王畿甸貢生楊時
和訓導王治傳俱詳運志

國朝

王价順治丙戌舉人工草書義助修城

景炅贈知縣孝友溫恭與物無競延名師以課子禮敬
有加子一元儲元四維天錫相繼登科五子體元亦
列賢宮

角州志 卷之九
喬攀桂丁繩武俱庠生天性純孝李金章木匠陳奇略亦以孝著

王九韶歲貢輕財重義嘗路拾百四十金待其主而還之周郵匱乏多不計償鄉人有貢士在可依賴貢士死誰借貸之歌

劉天佑例貢初仕戶部員外郎遷刑部郎中再任長沙守有政績不畏疆禦能化其俗蒞任二載以母老告歸

謝象枋河南陳留縣丞職司河漕不辭勞瘁盡革私弊署陳留篆告歸杜門不出所著有樂山園稿甘泉賦

張昭舉人授中書天性孝友樂善好施修名賢祠築漏澤園人皆義之

張淳舉人事母孝爲人清謹性嗜學好摹二王書得其神似

吳凌遠由舉人任平定學正博學能文工於詩古著有夢筆樓集

周冕副貢力學不倦善於誨人從游多知名之士

張天錫以將材從征臺灣廈門有功任福建漳浦鎮城守遊擊左都督

王登文康熙甲子武解元雅好詩文深於左史晚年專

工草書有顛素風骨人爭藏之

郭纘汾增生潛心經學敦尚實行居父母喪水不入口者七日歉歲設厰煮粥以活流亡

薛輝性極孝父病劇割左臂以療之又有王祥者亦割股醫母俱旌匾

張岷字望思雍正丙午舉於鄉居家孝友義重任恤銓期已及高尚不赴州縣延修邑乘甫脫稿旋歿士論惜之

庠生郭用凝民人任思禹俱竭力事親教孚鄉黨

郭宗汾治家謹嚴居鄉寬厚間有橫逆輒閉戶不校其人謝過終若爲不知者子瑄玠孫二成恩榮九成俱貴

許其毅庠生性孝友父享百齡歿孺慕不衰生平調族睦隣葺廟宇造橋梁實心任事子懋登賢書

陶暹庠生少孤事孀母備極色養友愛昆季

劉宴性孝友嗜學未遇訓子所由舉人歷官玉環同知有治績少子煒亦工詩文入黌序出繼子炯進士館選悉承家教

張士璉爲諸生時貧甚僮不羈雍正甲辰進士慷慨好施始終弗倦

解州全志 卷之九
張凝祐年十九遭兵火一家流散祐捐軀尋親曲盡孝
養又懷金贖弟歸多方保全性慷慨焚券散粟無吝
色始終弗倦

郭允張郭允宜俱庠生兄弟友愛數十年如一日內外
無間言

康行傳州同性至孝事孀母承歡順志囊無私財

王緒統州同少孤孝事孀母撫育孤姪各至成立

謝松齡庠生穎異超羣手不釋卷博極羣書善文章工
吟咏著述最富堂弟楠齡歲貢亦善屬文

丁鳴羽庠生立身狷介教授生徒口不言貧母目失明

百計醫之乃愈

王修德賦性磊落年十四以孝聞任長沙知縣在任三
年士民懷之

張份事母孝任貴州黔西知州值歲歉捐貲代完逋欠
終養歸里

楊擇善孝事繼母色養兼至又建宗祠設祭田歲祿出
粟賑饑子孫相繼游庠

張侗弱冠亡父孝奉孀母敬事仲兄性好施雍正乙卯
夏無麥在官平糶不繼出麥數百石以佐之人服其
義

牛士遇張董村人兄士通嘗遠出不知所往久不歸士
 遇千里求之不避險阻數遇虎馴伏不傷誓不見兄
 不還五年始與兄俱歸子澤與兄湛析箸數年矣湛
 貿易失利負逋不能償澤變產紓兄憂湛亦友於澤
 人以爲有父風澤之子問仁中乾隆癸未進士

舉人萬敷典

贈知州

康弘業解元康弘猷教諭郭用光貢

生郭用賢

贈知州

李琮生知縣張粥拔貢南二謙訓導

路應元舉人張鏐廩生張奎知州李秉儉司務王釐
 方歲貢王餘佑知縣張存恒中書張存誠知縣王曾
 淑舉人楊林峰舉人郭邵例貢張嵩知縣李閻權舉

人李楞例貢張京俊訓導李秉恭州判祁綬輝廩生
 李地渥庠生李延淪傳俱詳運志

解州全志卷之十

安邑縣

列女

晉

衛氏安邑人太保瓘之女也初瓘為司空帳下督榮晦

有罪瓘斥遣之及楚王瑋矯詔殺瓘晦銜瓘子孫皆

及禍瑋既誅瓘女與閭鄉侯國臣書曰先王名諡未

顯無異凡人每怪一國蔑然無言春秋之失其咎安

在悲憤感慨故以示意於是太保主簿劉繇等執黃

旛搥登聞鼓上言乃族誅晦諡瓘曰成

衛夫人名鑠展之女李矩妻學書於鍾繇

明

訓導劉達妻李氏夫亡守節時富民慕其姿求爲室姑已允諾氏引刀截其左耳永不櫛沐年七十五卒

張鉞妻遺其姓成化二十年大饑鉞攜妻就食河南渡河中流鉞囑妻曰我死汝從人便勿我念也鉞投水妻躍而從之

陳泣妻申氏年二十九夫亡立志守節族人利其產逼改適氏正色詈之斷指以示志年六十八卒

庠生王繼仁妻劉氏夫沒哀慟不食夫就窆氏命役人曰築無堅爲我待之旬日氏果亡直指尙旌其正烈

楊遵義妻黃氏翁姑同病篤割股進之病俱愈院道旌其門歲給廩三石

朱廷試妻呂氏早寡撫二女事孀姑以節孝旌

李汝安妻馬氏蘭州判馬棐女年二十夫亡無子女孀居六十餘載人罕識其面直指奏旌其門

庠生路檀妻馬氏年二十夫故逾三月生子艱苦萬狀守節五十餘年而卒先是爲孤求婦或以其窘也欲以嫠婦嫁之氏怒曰此輩豈人乎曷足辱我兒却之董九德妻謝氏與子克忠妻令狐氏俱以節著教子印入庠以德行舉鄉飲大賓入省志

庠生張永祚妻景氏適張甫三月夫死守節至七十七歲卒建坊旌表

曹司民妻賀氏善遇妯娌子希舜妻張氏寡居性至孝能繼姑志撫子于汴爲理學名臣膺封

庠生景永徽妻曹氏都憲公長女十九歲夫故守節四十年卒初氏以母夫人侯氏病篤割股和藥以進死而復甦屢經旌表

李正佐母喬氏正佐知郟縣李自成來寇城陷正佐罵賊被殺母喬亦死之

趙良進妻侯氏年十四適良進貧爲人傭越兩月良進病侍疾甚謹又三月良進故其母將令改嫁氏語母曰止用一陌黃錢耳母不解而去氏卽自縊鹽政發鍰建祠都御史曹于汴撰祠記

景愈昌妻王氏夫亡無子女夫弟愈芳逼他適氏蠲遺產悉授之愈芳尋復賂媒妁逼嫁氏恚仰毒鄰婦救之甦後愈芳鬻產他往不相顧氏卒受餓死

王永明妻劉氏夫亡家酷貧孀姑周氏年九旬饔飧不繼氏典身養之姑老怯寒臥必懷之邑令旌匾

王之傑妻古氏庠生王鼎隆妻員氏王鼎盛妻相氏叛將任國奇引兵入鎮三氏俱投井死

推官蘇希轍繼妻張氏二十三歲守節至八十一歲卒
子九埏繼妻楊氏年二十一歲守節至八十三歲卒
姑媳同操楊氏已旌

郭錫妻張氏王海妻廉氏張校妻王氏俱苦節被旌

省祭張三友妻賈氏年二十夫亡苦節五十載教子省
幾拔貢孫奎昂成進士

大叅王國楨妻宋氏運司吏衛養民妻高氏生員劉寓
仁妻謝氏訓導裴衷妻周氏運司吏馬國良妻呂氏
郎中劉崇文繼妻孫氏訓導王治妻李氏舉人喬士
鶚妻張氏貢生楊時和妻劉氏俱有傳詳運志

仝璘妻尉氏

郭孔皆妻張氏

胡世德妻劉氏

吳三樂妻李氏

劉漢民妻李氏

庠生喬尙賓妻路氏

楊三省妻王氏

典膳路遷妻張氏

曹時聘妻常氏

周諗妻胡氏

庠生張任重妻李氏

庠生景懋才妻王氏

庠生吳濟妻文氏

庠生張橘妻胡氏

國朝

舉人路光奎母申氏丁養珍妻孫氏張君綸妻郭氏孀
居守志俱死寇難

解州全志 卷之十
楊恒初妻李氏年十六而寡楊正初妻王氏年二十而寡苦志守節俱歷五十年並邀旌表

呂俊英妻蔡氏年二十夫亡食貧守志姑沒質子營葬事人尤憫之孀居六十餘年卒

庠生曹曰泰妻薛氏事姑嫜以孝稱姑病侍湯藥衣不解帶及姑沒淚盡繼以血三日而死

劉輔國妻文氏年十九夫亡氏矢死絕粒姑曰是速我祖孫之命也氏聞稍進食忍泣哀咽不令姑知越月遺腹舉次子二劉歷三年二劉離襁裸氏曰吾今可酬素志矣漸減飲食時日涕零不數月而卒

馬騏妻景氏十八夫亡自縊救免夫殯不食七日而死張運泰妻李氏姜逆之變投井救甦事姑唯謹

邢烈女邢繼祖女也許字王俾未合卺會上元節舉家出遊女獨留刺繡有王方者踰牆挑之女且泣且罵脇以刃女罵益厲方怒刺殺之孝廉吳凌遠有傳

庠生謝進印妻景氏未娶時值闖寇欲挾之上馬氏憤罵不從賊怒砍七刀而去得不死于歸二年歿

庠生李禧印妻王氏被掠不屈躍入溝中死又張鳳鳴妻馬氏罵賊被殺

庠生周光祚妻犢氏姜逆之變賊艷其色迫之去時幼

子在抱善言誘賊授夫以竄既遠氏乃挺身詈罵賊怒殺之

庠生張躋龍妻毛氏初夫因無子抱姪爲嗣後自生一子值順治己丑兵燹夫遇害以少婦攜二子避兵勢難兼顧乃棄生子而活嗣子人稱閨中伯道云後嗣子疑祫入庠氏守節四十三年壽七十歲卒

張懋才妻柴氏進士宗義孫庠生孝先女順治己丑運城屠於兵恣抄掠氏抗聲拒罵首冒白刃投井幾死覓舅屍於積骸中葬之姑亦創甚吮血調護色養踰十年宗伯呂見齋先生旌其門曰賢孝之家

庠生李肇元妻曹氏都憲公次女孝謹恬約順治六年兵入城抱子投井死

庠生席于陞妻胡氏順治己丑聞兵至卽投井死年方十四歲

郭懷妻周氏守節四十年家貧無子女清操自矢姜瓖賊黨據城投井死

庠生劉際暉妻路氏守節撫孤屠城時死節

張君惠妻胡氏子其謨妻李氏次子庠生其策妻趙氏順治六年寇至恐失節姑媳三人皆投井死

庠生李璐妻呂氏侍郎呂崇烈女子歸六載遭闖逆亂

夫亡在外時氏年二十三生子齊端甫三月氏苦守貞節事姑盡孝下撫稚子教養兼至

庠生張我聲妻祁氏順治己丑運城被陷投井死

郭鵬程妻許氏明季兵亂夫死澠池氏貧甚匍匐渡河負骨歸葬守節撫孤壽九十有二

曹崇善都憲六世孫妻劉氏性至孝一日見翁有飢色剪髮易米以供聞者感泣

康如琬妻謝氏孝敬翁姑教子姪嚴而慈族黨悉佩其德子行傳以孝友稱膺封

張坤側室周氏夫亡居貧自力撫遺孤辛苦備嘗以子

士璉膺封

中書劉以煜妻彭氏夫亡塗次扶櫬歸葬撫孤天佑成名出守長沙膺封後天佑夫婦卽世又撫孤孫晉英恩勤訓誨散金賑濟

舉人張葶妻李氏慈祥淑慎宗黨稱之

庠生張凝祺妻喬氏夫亡氏年二十九事雙親撫二子正節淑儀時論推重壽八十四歲卒子份牧黔西佺爲學博皆慈教也

閻際昌妻王氏子庠生之型妻史氏孫宏緒妻王氏三世孀居一門苦節提學旌匾

貢生郭步林妻丁氏孀居三十載被旌氏家故饒裕周恤匱乏凶年出粟濟饑子夢龍侯銓主事孫韞提舉雲南鹽井

文道源妻丁氏夫亡四月生遺腹子辛勤撫字子孫皆入庠建坊旌表

張三統妻樊氏庠生景作棟繼妻李氏周邵繼妻景氏庠生相于藩妻張氏劉孟奇妻靳氏庠生丁三仁妻馬氏庠生周自修妻張氏庠生劉日嚴妻郭氏相元品妻景氏俱以苦節被旌

胡來慶妻解氏子連璞妻張氏俱早寡守志一門雙節

廩生劉榛齡妻丁氏夫病革以氏年幼乏嗣兼無贍養

囑改適氏慟哭割鼻誓無他志守節四十五年卒

馬軼羣妻李氏夫亡守志用剪自刺其面疤痕宛然

庠生古永祚妻楊氏年二十五夫亡遺子方數月矢志守節同叔母霍氏孀居兩門一子撫育成立

馬之勝妻王氏年二十五而寡或勸再適氏剪髮刺面以明心事繼姑以孝聞

張昌宗妻馬氏年二十夫亡子輔清亦早逝媳衛氏年十九生遺腹子煢煢姑媳兩世同操

李綦妻王氏年二十守節撫姪爲子子亦夭同媳周氏

角小全志 卷之一
又撫週歲孤孫俱以賢孝稱

庠生邵之蕃繼妻張氏年十九夫病篤泣謂氏曰前子未成奈何氏卽口嚙一指對天誓曰異日負初心者有如此指夫長慟而逝氏父憐其年少且貧甚欲奪志氏以火燒面操志愈堅三子皆遊泮

張珣妻郭氏年十九孀居撫夫兄遺孤不異己出迨生遺腹子天佑氏勤女紅以給子姪同就外傳有過不少寬天佑成進士宰邑有聲皆母教也

楊朝梅妻李氏于歸後夫出繼叔父生兩子年二十二夫亡孀姑患癰氏侍疾六載盡出服飾爲醫藥資後

二子俱天家貧姑老又有夫本生父母亦皆侍養米薪俱出十指拮据歷四十年積勞以歿

張肇奕繼母喬氏食貧撫孤前妻子與己子同甘苦勤教養

州同張侃妻秦氏年十三于歸時惟翁在堂氏曲體翁心備極孝養越數年翁與夫相繼卒遺子其濟年甫弱齡氏矢志撫孤成立於夫之二姊尤爲親睦值姊病親調湯藥累月不懈

經歷劉本昉妻柴氏年十四歸劉孝事孀姑甚得其心夫以疾歿於思南子女俱幼氏於六七千里外扶櫬

歸里壽八十三歲卒

同知劉所側室李氏所官玉環病篤語氏曰吾家故貧窮汝年幼無出奈何氏泣曰妾寧死敢自污以污公乎且公病中惓惓二大人妾願了公未了事卽慷慨爲誓夫歿歸里事翁姑左右惟謹人稱節孝

候選縣丞衛如錫繼妻楊氏年二十夫亡又以子庠生四張歿於外媳萬氏號泣不絕投井死遺一子氏上事孀姑下撫孤孫備歷艱苦四十餘年

聞喜縣丞葉其昌妻王氏葉義烏人也寄籍運城夫亡時年三十守節四十餘年其子士僖早逝妻方氏年

二十餘姑媳茹苦白首完正一門雙節

進士張瑾妻曹氏夫亡時年二十九歲撫孤守節四十餘年二子俱遊泮文孫多人守道王用霖旌其門曰正教可風

庠生馬崇疆妻周氏年二十四夫亡甘貧教子康熙二十七年旌節壽八十三歲子珽丁丑進士

庠生王永圖妻梁氏與子庠生右曾妻張氏俱早歲孀居紡績苦守撫孤孫寬成進士授編修早卒妻郭氏亦以節著

舉人王价妻衛氏夫亡守節誓死無二視庶子若己子

妾甯氏感其德共勵松筠後以子汝霖貴膺封

典簿呂坪妻弋氏中翰敦極女甫二載夫亡氏年十七無子女擇從姪之在襁褓者夢銓爲嗣苦節四十餘載

庠生尉遲性妻張氏事舅姑孝舅左手疽發痛不可忍氏憂甚潛以斧截其小指二節夫弟庠生宗禹妻任氏驚問其故氏曰聞指有病以指補之可瘳吾將療翁病耳任感其言亦截其小指二節共入藥敷瘡痛遂已未幾全愈

曹熠祖妻馬氏年十六于歸十三載夫亡矢志守節孝事翁姑生子弗育撫姪爲嗣嗣子又亡媳病孫弱教養兼至乾隆十八年旌

衛克恭妻張氏曉大義夫與諸弟析箸時勸之讓產及諸弟貧落氏佐夫漸饒勸夫招諸弟均分已業夫歿事姑亦以孝聞

貞女劉氏許字董峯未嫁峯歿女時年十七聞訃欲奔喪父母許之初以素服入哭旋令取衰杖爲孝婦節觀者悽然邑令欲旌以匾女曰此婦人本分事固辭弗受乾隆辛巳女年二十七病歿鄉人哀之

建水州牧劉樅妾韓氏十八歲守節閱四十餘載子喪

孫孤備嘗艱苦

典史張玫妻馬氏雍正八年玫歿西寧官署氏年二十六歲守節三十二年卒

路懋若妻孔氏事姑盡孝並能孝其父母值歲饑父母就食中州父客死氏偕子往迎母歸養復負父骨還葬

歲貢劉愈洸妻路氏庠生王賜瑛妻郭氏中書張存誠妻郭氏歲貢劉德峻妻王氏庠生張譽妻周氏庠生王大治妻謝氏貢生馬之駟妻李氏同知謝樞齡妻景氏貢生王康妾趙氏庠生衛四張妻萬氏李其碩

妻馬氏俱有傳詳運志 劉朴庵妻孫氏

孫恢緒繼妻王氏乾隆二十九年旌 監生陳龍遇妻景氏

庠生張存懋妻劉氏 楊朝樞妻張氏

庠生周珊妻王氏 庠生劉士珍妻喬氏

常奎光妻姜氏 吏目張犴臯妻謝氏

庠生譚士鈞妻喬氏 謝一璵妻李氏

監生朱儀德妻王氏 庠生張爾漁妻路氏

楊邦瑞妻劉氏 庠生張佑繼妻吳氏

丁燦妻石氏 王承志妻張氏

楊文薦妻張氏媳相氏 周麟祥妻張氏

庠生劉之蕭妻樊氏 庠生李隆印妻趙氏

喬擇祚妻張氏 李一江妻吳氏

楊應兆妻王氏 庠生景昌惠妻南氏

崔巖妻張氏 武舉劉鎮疆妻謝氏

守備衛王國妻張氏 武舉趙世英妻安氏

庠生董四境妻令狐氏 庠生馬文蠅妻路氏

南起鳳妻李氏 李濬妻萬氏

朱綸妻馬氏 庠生郭連妻楊氏

馬爾室妻曹氏 周淑妻張氏

馬隆妻王氏 萬時富妻張氏

馬綸緒妻王氏 庠生謝學會妻劉氏

庠生郭用中妻張氏 庠生王殿基妻郭氏

劉奎光妻周氏 庠生朱曠妻楊氏

王鳳妻陳氏 祁有年妻梁氏

左家秀妻王氏 庠生丁賓妻郭氏

郭鴻業妻李氏 庠生王宇清妻張氏

庠生楊景母李氏 庠生王江妻馬氏

庠生丁宏妻李氏 相秉均妻張氏

薛學雍妻陶氏 庠生李階妻周氏

吳道興妻楊氏 庠生楊為樾妻廉氏

周侗妻景氏

張大相妻黃氏

呂開芳妻柴氏

庠生楊涎妻樊氏

孟星瑞妻何氏

以上俱守志節載列舊志

劉興基妻張氏

張天印妻宋氏

王自寬妻郭氏

張志誠妻李氏

李大準妻侯氏

王五慎妻李氏

康行佐妻楊氏

劉鏞妻謝氏

許忱妻楊氏

樊景善妻王氏

張琅妻馬氏

馬永剛妻石氏

張開第妻田氏

馬有金妻傅氏

楊肇興妻張氏

趙連城妻景氏

李大祥妻王氏

景象偉妻楊氏

李積慶妻相氏

劉立德妻王氏

教諭路式妻常氏

陸守業妻蘇氏

曹士元妻柴氏

景官吉妻劉氏

魯秉信妻許氏

張金鳳妻陳氏

王麟獲妻李氏

靳撫民妻王氏

原雲寵妻景氏

景際興妻郭氏

郭廣植妻賈氏

景履吉妻張氏

閻毓瑞妻張氏

王際康繼妻程氏

王志英妻李氏

庠生趙躋聖妻王氏

何恭妻邵氏

王學易妻謝氏

姚志學妻王氏

景元漢妻相氏

王付魁妻馬氏

胡六慶妻楊氏

景廸吉妻閻氏

樊義甫妻楊氏

劉長慶繼妻鄭氏

景子哲繼妻張氏

張世瑛妻牛氏

鄭之恭妻景氏

鄭尙義妻李氏

仝嵩妻周氏

仝文耀妻李氏

董輝曾妻劉氏

吳俊妻馮氏

衛祥瑞妻張氏

庠生馬蓼妻劉氏

貢生南初謙妻王氏

庠生焦興妻王氏

景芳妻馬氏

文道淳妻郭氏

王鳳妻樊氏

胡鴻業妻趙氏

王恕妻李氏

樊永玖妻牛氏

解鴻儒妻劉氏

劉汝楫妻景氏

王遂生妻景氏

董世寵妻王氏

王繼祖妻張氏

淮時順妻郭氏

舉人郭建極妻楊氏

周繼賢妻鄭氏

庠生景殿璋妻歐陽氏

郭廷瑜妻王氏

李真富妻任氏

楊為正妻王氏

李淮妻謝氏

庠生南嶽高妻仝氏

景士明妻高氏

李星瑞妻靳氏

任承先妻邵氏

何民妻秦氏

許解妻劉氏

許勤妻解氏

謝貴妻喬氏

姚開址妻杜氏

李作庭妻呂氏

景巍妻王氏

庠生張謙妻黃氏

柴世榮妻閻氏

李長榛妻楊氏

楊聖鳥妻柴氏

陶質妻曲氏

庾如京妻王氏

陳禹裔妻馬氏

姚純仁妻劉氏

庠生景正麟妻李氏

仝遇聖妻樊氏

姚四吉妻文氏

閻進禮妻馬氏

楊逢泰妻員氏

周瑚妻景氏

楊性定妻李氏

景銹妻楊氏

王大朋妻邵氏

鄭迎祉妻王氏

岳繼曾妻廉氏

張學義妻馬氏

王秉厚妻衛氏

監生張楸甫妻王氏

張世樂妻劉氏

乾隆二十九年旌

張士文妻王氏

李王幹妻謝氏

王錫琳妻張氏

吳參立妻謝氏

李琚妻張氏

舉人文射斗妻王氏

任光紳妻晉氏

乾隆二十九年旌

丁益仁妻靳氏

丁憲仁妻周氏

王承祖妻陳氏

邵惠妻李氏

胡懷禮妻王氏

郭鶴齡妻劉氏

仝新德妻衛氏

李金柱妻惠氏

梁允昌妻張氏

王利春妻黃氏

惠國彥妻景氏

候選縣丞馬趨妻萬氏

監生董訓迪妻陳氏

楊天德妻相氏

以上俱守志節克孚輿論

葛義芳妻仝氏

郭春元妻李氏

靳仲英妻焦氏

王堦妻張氏

馬星聚繼妻陳氏

曲鎮極妻雷氏

南宮揀妻王氏

董善世妻姜氏

陸建業妻邢氏

王文魁妻任氏

庠生黃天眷妻陶氏

閻璋妻姚氏

劉三寧妻孟氏

劉日禮妻孟氏

郭金瑞妻解氏

楊儀妻庾氏

曹則湯妻景氏

王璫妻楊氏

霍希光妻王氏

曲復命妻曹氏

支自雲妻白氏

王曰銘妻解氏

席為讓妻樊氏

尉遲陰妻介氏

景懿妻王氏

許愉繼妻楊氏

靳膏妻霍氏

監生路濶妻王氏

霍貴妻張氏

郭廷璞繼妻周氏

庠生李相賢妻馬氏

胡璋妻田氏

鐵世泰妻丁氏

王養珍妻張氏

相盡義妻王氏

庠生孫振緒繼妻馬氏

靳光佐妻張氏

宋鑑妻葉氏

楊建瑞妻何氏

呂崇德妻李氏

王文瑞妻馬氏

閻大信妻李氏

盧守信妻胡氏

牛白傑妻張氏

牛君朕妻劉氏

邵整雍妻李氏

張王湯妻陳氏

韋執信妻原氏

霍秉廷妻鄭氏

劉漢翼妻馮氏

原宏鏡妻張氏

岳鍾豫妻梁氏

景純仁妻王氏

席會卿妻賈氏

牛湛妾張氏

席為讓妻樊氏

周承漢妻楊氏

楊園鶴繼妻謝氏

祁鎬妻范氏

李泳妻張氏

景七璉妻周氏

張堅妻丁氏

馬文都妻任氏

馬卿雲妻靳氏

以上現守志節年例相符

雷秉政妻張氏

陸英妻張氏

張王壽妻劉氏

韋時訓妻張氏

牛保知妻陸氏

蔣登廉妻李氏

龐守節妻張氏

牛自給妻張氏

王文徽妻張氏

閻大齡妻李氏

馮成誥妻張氏

呂崇齡妻李氏

解州全志卷之十一 安邑縣

古蹟

北安邑故郡

北魏志二漢晉曰安邑屬河東後改太和十一年置為郡隋開皇初廢

故虞州

舊唐志安邑隋為虞州郭下置安邑縣正觀十七年州廢

古城

在縣城西一里魏文侯所築東西兩壘對峙韓信

虜魏豹於此亦名魏豹城

蚩尤城

在鹽池東南二里許黃帝經序黃帝殺蚩尤其血化爲鹵今之解池是也詳見運城志

鳴條陌

帝王世紀安邑縣西有鳴條陌書序湯升自陌遂戰於鳴條之野蔡氏曰陌在河曲之陽鳴條在安邑之西

虞坂

縣南二十里中條山俗名青石槽水經注虞城北

對長坂二十里謂之虞坂戴延之曰自上及下七

山相重卽騏驥逢伯樂處南通平陸北在安邑境

內

段干木舊隱

在段村有元人段禧碑記按段干木又稱芮人兩存之

韓信城

在縣城南五里信屯兵處

韓信溝

在信城北西自古城東達湯里邑先四圍皆水豹

依險自固信開溝洫水

張良城

縣東南十三里今名張良村南有牧馬場西南有飲馬川

婁室城

縣東一十八里金將婁室所築舊址尙存

虞城

縣北二十里大坊村

相城

咎繇之後爲理氏商末里證孫仲師遭難去王姓

里至晉里克被戮克妻司城氏挾其少子季友逃

於安邑之相城因爲相里氏今相鎮猶呼相里亦

曰相城

龍池宮

唐開元八年建居民禱雨輒應今潭上故址猶存

唐曲環里

陳許節度使晉昌郡王曲環舊居在報國寺北故

名其里曰寺北曲至今猶爲邑中大姓族人別居

者曰大曲小曲今寺移村內舊寺廢爲僧田

昆吾亭

帝王世紀湯伐桀戰昆吾亭

根倉 涇倉

漢志在河東郡

象壁石

在縣治儀門左嵌之於壁非近代物也相傳訟者觸之則不得直

靜明洞

明曹真子棲此

王右軍鹽池碑記

在運城察院西詳見運志

鹽風亭 彈琴臺

俱在鹽池詳運志

寺觀附

太平興國寺

在城內東北內有塔十三層高二百六十尺基廣畝餘盡以甄甃唐正觀間建嘉靖乙卯地震從頂裂至七層寬尺許至萬歷間地震復合殆不可測

觀音寺

在縣西王曲村金太和四年建卽羊馱寺鄉人掘地得石人騎羊僉以爲菩薩象因創寺祀之

宏敬寺

在縣西門外元至正十二年建今廢

壽聖寺

在北相鎮

報國寺

在寺北曲內有泛舟禪師塔師邠王守禮也

大覺寺

在陶村

大雲寺

在鳴條岡虞舜陵側內有古栢胥大可十圍舊志

稱寺以守陵

長春觀

在縣治東元至治間建

集仙觀

在陳璧村唐景雲間建名景雲宮元改今名

林墓附

虞舜陵

在縣城西北三十里鳴條岡之陽孟子謂舜卒於鳴條卽此陵高三尺甃以甃古栢皆大可十餘圍東南有守陵大雲寺按四址南北長一百六十四

角州全志 卷之二 五
步東西廣五十七步計地七十畝陵前神道寬廣
七丈二尺計地十三畝又灘地八十七畝爲奉祀
香火

夏關龍逢墓

在縣東北二里玉鈞山按河南靈寶縣亦有大夫
墓當以安邑爲正

周段干木墓

在上段村按芮城縣北十五里有段干木墓在安
邑者或係後人追思所築云

陶朱公墓

在陶村西相傳范蠡歸齊相印懷其重寶間行至
此陶村卽其所居也

杜康墓

在中杜村

漢尙方令蔡倫墓

在張董村相傳倫寓居本縣卒葬於此

晉太保衛瓘墓

在王范村

太子洗馬衛玠墓

在瓘墓西

明太常寺卿張芮墓

在運城西北勅建

遼東巡撫張岫墓

在運城西北

工部尙書楊一魁墓

在運城東五里

左都御史曹于汴墓

在運城西北五里

少保劉敏寬墓

在運城東五里

巡撫都御史胡志夔墓

在運城西南五里

四川按察使姚誠立墓

在運城西五里杜家村東

江西按察使康四海墓

在運城西杜家村西南

南陽知府謝傳顯墓

在運城東七里岡

國朝禮部左侍郎呂崇烈墓

在運城西南二里

內閣學士王尹方墓

在運城東北三里

雲南道御史王國楠墓

在運城北喬家莊

鑾儀衛使劉永灝墓

在運城東七里岡北

漏澤園二

一在縣城西門外一在南門外

祥異

漢建寧四年地裂深不見底

晉建興元年天雨肉

宋大中祥符九年七月蝗

天禧元年二月蝗蝻復生

慶歷三年地震

宣和七年地震裂數十丈

元至元二十四年二麥枯

明成化二十年大旱

宏治十年鹽盛生積如山阜

嘉靖七年大旱無禾 十一年復大旱餓殍枕籍
三十二年鹽花盛生時監臨尙公維持晝夜住野狐
泉催督有方躬巡泥水中丁夫奮躍課足十年 三
十四年地大震城垣廬舍傾覆過半居民壓死者甚
多 三十五年黑靑傷人疾忽如風雖密室無不至
至則人皆昏迷被傷卽出黃水遍地驚擾夜必張燈
持刃金鼓防之

隆慶四年夏五月大水衝決鹽池本縣西城門漂入
解州境

萬歷十四年大疫頭項腫死亡相望 十六年大稔

石麥三百錢 十九年小蝦蟆盈野行者幾無駐足
處八月久雨敗屋 二十二年多蠅蚋行者亦幾無
駐足處 二十五年八月中池塘水潮如鼎沸 二
十八年池鹽盛生 三十九年大疫體發斑疹死者
不可勝數 四十一年大旱 四十三年夏四月八
日大雨雹傷麥二十一日復雨雹 四十四年飛蝗
蔽天復生蝥禾稼立盡七月大雷震電 四十五年
蝗蝥仍爲害 四十六年有年然大疫死亡相繼
天啟元年大有年

崇正五年七月大雨三旬害稼敗屋水決鹽池 六

年秋大旱 八年旱月赤如血 九年正月壬申癸酉大風甲戌震電乙亥雨雪夏大旱 十一年七月蝗飛翳天傷禾十二月地震 十二年四月地震六月蝗蝻大傷禾稼自九年不雨至十三年七月 十三年二月隕霜殺桑麥枯秋無禾斗米九錢人相食死者無算 十四年四月斗米一兩一錢死亡相繼 十五年六月地大震從西北起聲如雷官民舍俱傾數十日方止 十七年三月日生幻影如四日八月天鼓鳴

國朝順治二年大旱自三月不雨至七月 四年大雨

水多蝦蟆蝗不爲災有年 五年大雨水鹽池被害 大有年 六年三月大風拔木運城無故崩數十丈 八月星隕火光如斗聲如雷 七年自七月十二日大雨至八月初十日止禾傷屋倒 十二年四月條山有積雪自四月不雨至七月

康熙元年八月大雨如注者半月牆屋傾圮強半人多僦居廟宇 三年秋八月二十二日地震冬十二月又連震二次 六年三月二十六日大雪 七年六月十七日地震 十年夏大熱民多疫病秋田生黑蟲如蠶食穀葉 十八年秋霖潦旬水決鹽池

三十年秋飛蝗蔽天禾立盡 三十一年大飢死者
相枕籍瘟疫盛行 三十二年大有麥 三十四年
四月地震如雷 五十六年池鹽盛生阜次岡連
五十九年大旱無禾 六十年無麥民多流徙秋大
稔

雍正五年池鹽不種自生獲七百萬觔有奇 七年
安邑民馮維明妻薛氏一產三男

乾隆元年大有年 三年十一月地震 十二年五
月初七日天鼓鳴秋旱無禾 十三年大旱無麥
十六年自閏五月至七月中旬雨水連綿河漲人有

傷者 十七年旱無禾 十八年大有年 十九年
有年 二十年有年 二十一年麥稔自七月初旬
雨至九月中止平地出泉鹽池被水 二十四年秋
大旱無禾 二十五年麥大稔

大旱無禾 二十正半麥大餘

雨至次民中五平出泉豐出落木 二十四半

百半 二十半時半 二十一平麥餘自出日

對否 十七半早豐禾 十八半大禾半 十九半

